

















史記內編卷之十四

漢 龍門司馬遷 著

明 建武鄧元錫選評

匈奴列傳

重夏后故簡  
掉名

有千變萬化  
無心變之妙

匈奴其先祖夏后氏之苗裔也。曰淳維。括地譜云。夏之鳴條三年而滅。其子獯粥妻桀之衆。唐虞以上有妾。避居北野。隨畜移徙。中國謂之匈奴。山戎獫狁葷粥。居于北蠻。隨畜牧而轉移。其畜之所多。則馬牛羊其奇畜。則橐駝。韋昭曰。背肉似橐。故驢云。駝包愷音託佗。驢



羸

古今注云羸特馬牝生羸

駃騠

徐廣曰北狄駿馬說文云駃騠馬父羸子也

騊駼

徐廣

曰似馬

而青

驪騖逐水草遷徙毋城郭常處耕田之業然

亦各有分地毋文書以言語為約束兒能騎竿引弓

射鳥鼠少長則射狐兔用為食士力能彎弓盡為甲

騎其俗寬則隨畜因射獵禽獸為生業急則人習戰

攻以侵伐其天性也其長兵則弓矢短兵則刀鋌利

則進不利則退不羞遁走苟利所在不知禮義自君

明無繒帛

王以下咸食畜肉衣其皮革被旃裘壯者食肥美老



後俗

者食其餘。貴壯健，賤老弱。父死，妻其後母；兄弟死，皆取其妻。妻之，其俗有名不諱而無姓字。夏道衰而公劉失其稷官，變于西戎。邑于豳，其後三百有餘歲，戎狄攻大王亶父，亶父亡走岐下，而邠人悉從亶父而邑焉。作周，其後百有餘歲，周西伯昌伐畎夷氏，後十有餘年，武王伐紂而營維比，復居于豳，放逐戎夷，涇洛之北，以時入貢。命曰荒服，其後二百有餘年，周道衰而穆王伐犬戎，得四白狼、四白鹿以歸，自是之

武王之烈



後荒服不至於是周遂作甫刑之辟穆王之後二面  
有餘年周幽王用寵姬褒姒之故與申侯有郤申侯  
怒而與犬戎共攻殺周幽王于驪山之下遂取周之  
焦穫而居于涇渭之間侵暴中國秦襄公救周於是  
周平王去酆鄩而東徙維也當是之時秦襄公伐戎  
至岐始列爲諸侯是後六十有五年而山戎越燕而  
伐齊齊釐公與戰于齊郊其後四十四年而山戎伐  
燕燕告急于齊齊桓公北伐山戎山戎走其後二十



有餘年而戎狄至洛邑伐周襄王襄王奔于鄭之汜  
邑初周襄王欲伐鄭故娶戎狄女爲后與戎狄兵共  
伐鄭已而黜狄后狄后怨而襄王後母曰惠后有子  
子帶欲立之於是惠后與狄后子帶爲內應開戎狄  
戎狄以故得入破逐周襄王而立子帶爲天子於是  
戎狄或居于陸渾東至於衛侵盜暴虐中國中國疾  
之故詩人歌之曰戎狄是膺薄伐獫狁至於太原出  
與彭彭城彼朔方周襄王旣居外四年乃使使告急



邊圖如指掌

于晉。晉文公初立，欲修霸業，乃興師伐逐戎翟，誅子  
帶，迎內周襄王，居于維音維。當是之時，秦晉爲彊國。晉  
文公攘戎翟，居于河西，固洛之間，號曰赤翟，白翟。秦  
穆公得由余，西戎入國，服於秦，故自隴以西有繇諸  
緄，戎翟獯之戎，岐梁山涇漆之北，有義渠，大荔，烏氏，  
朐衍之戎，而晉北有林胡，樓煩之戎，燕北有東胡，山  
戎各分散，居谿谷，自有君長，往往而聚者，百有餘戎。  
然莫能相一，自是之後，百有餘年，晉悼公使魏絳和



秦故亦翟俗

叙晉分爲趙

魏趙魏入秦

秦燕趙三國

邊故變化鈎

戎翟戎翟晉後百有餘年趙襄子踰句注而破并代  
以臨胡貉其後既與韓魏共滅智伯分晉地而有之  
則趙有代句注之北魏有河西上氐以與戎界邊其  
後義渠之戎築城郭以自守而秦稍蠶食至於惠王  
遂拔義渠二十五城惠王擊魏魏盡入西河及上氐  
于秦秦昭王時義渠戎王與宣太后亂有二子宣太  
后詐而殺義渠戎王於甘泉遂起兵伐殘義渠於是  
秦有隴西北地上氐築長城以拒胡而趙武靈王亦



絡繹連如指  
掌可分劈妙  
甚

總

變俗胡服習騎射北破林胡樓煩築長城自代並陰  
山下至高闕爲塞而置雲中鴈門代郡其後燕有賢  
將秦開爲質於胡胡甚信之歸而襲破走東胡東胡  
卻千餘里與荆軻刺秦王秦舞陽者開之孫也燕亦  
築長城自造陽至襄平置上谷漁陽右北平遼西遼  
東郡以拒胡當是之時冠帶戰國七而三國邊於匈  
如種其後趙將李牧時匈奴不敢入趙邊後秦滅六國  
而始皇帝使蒙恬將十萬之衆北擊胡悉收河朔地



因河爲塞，築四十四縣城，臨河徙適戍以充之。而通直逾自九原至雲陽，因邊山險，塹谿谷，可繕者治之。起臨洮至遼東萬餘里，又度河據陽山北，假中。當是之時，東胡彊，而月氏盛。匈奴單于曰頭曼，頭曼不勝秦，北徙十餘年，而蒙恬死，諸侯畔秦，中國擾亂。諸秦所徙適戍邊者，皆復去。於是匈奴得寬，復稍度河南，與中國界於故塞。單于有太子名冒頓，後有所愛閼氏，生少子，而單于欲廢冒頓而立少子，乃使冒頓質。



胡性無子

胡性無親至  
於此

於月氏冒頓既質於月氏而頭曼急擊月氏月氏欲  
殺冒頓冒頓盜其善馬騎之亡歸頭曼以爲壯令將  
萬騎冒頓乃作爲鳴鏑習勒其騎射令曰鳴鏑所射  
而不悉射者斬之行獵鳥獸有不射鳴鏑所射者輒  
斬之已而冒頓以鳴鏑自射其善馬左右或不敢射  
者冒頓立斬不射善馬者居頃之復以鳴鏑自射其  
愛妻左右或頗恐不敢射冒頓又復斬之居頃之冒  
頓出獵以鳴鏑射單于善馬左右皆射之於是冒頓



知其左右皆可用從其父單于頭曼獵以鳴鏑射頭曼其左右亦皆隨鳴鏑而射殺單于頭曼遂盡誅其後母與策及大臣不聽從者冒頓自立爲單于冒頓旣立是時東胡彊盛聞冒頓殺父自立乃使使謂冒頓欲得頭曼時有千里馬冒頓問羣臣羣臣皆曰千里馬匈奴寶馬也勿與冒頓曰奈何與人鄰國而愛一馬乎遂與之千里馬居頃之東胡以爲冒頓畏之乃使使謂冒頓欲得單于一闕氏冒頓復問左右左右



胡無親不愛  
顧獨愛利何  
哉

右皆怒曰東胡無道乃求閼氏請擊之冒顙曰奈何  
與人鄰國愛一女子乎遂取所愛閼氏予東胡東胡  
王愈益驕西侵與匈奴間中有棄地莫居千餘里各  
居其邊爲甌脫東胡使使謂冒顙曰匈奴所與我界  
甌脫外棄地匈奴非能至也吾欲有之冒顙問羣臣  
羣臣或曰此棄地予之亦可勿與亦可於是冒顙大  
怒曰地者國之本也奈何予之諸言予之者皆斬之  
冒顙上馬令國中有後者斬遂東襲擊東胡東胡初



注中國故云

統括

輕冒頓不爲備及冒頓以兵至擊大破滅東胡王而虜其民人及畜產旣歸西擊走月氏南并樓煩白羊河南王侵燕代悉復收秦所使蒙恬所奪匈奴地者與漢關故河南塞至朝那虜施遂侵燕代是時漢兵與項羽相距中國罷於兵革以故冒頓得自彊控弦之士三十餘萬自淳維以至頭曼千有餘歲時大時小別散分離尚矣其世傳不可得而次云然至冒頓而匈奴最彊大盡服從北夷而南與中國爲敵國其



綴、上起、下、

官號

棟

世傳國官號乃可得而記云、置左右賢王、左右谷蠡王、左右大將、左右大都尉、左右大當戶、左右骨都侯、匈奴謂賢曰屠耆、故常以太子爲左屠耆王、自如左右賢以下至當戶、大者萬騎、小者數千、凡二十四、長立號曰萬騎、諸大臣皆世官、呼衍氏、蘭氏、其後有須卜氏、此三姓其貴種也、諸左方王將、居東方、直上谷、以往者東接穢貉、朝鮮、右方王將、居西方、直上氐、以西接月氏、氏、寇、而單于之庭、直代雲中、各有分地、遂



亦自有爛然  
統紀故盜亦  
有遁

水草移徙而左右賢王左右谷蠡王最爲大國左右  
骨都侯輔政諸二十四長亦各自置千長百長什長  
裨小王相封都尉當戶且渠之屬歲正月諸長小會  
單于庭祠五月大會龍城祭其先天地鬼神秋馬肥  
大會蹕林課較人畜計其法拔刃尺者處坐盜者沒  
入其家有罪小者輒大者處獄久者不過十日一國  
之囚不過數人而單于朝出營拜日之始生夕拜月  
其坐長左而北鄉日上戊巳其送處有棺槨金銀衣



裘而無封樹喪服近幸臣妾從死者多至數千百人舉事而候星月月盛壯則攻戰月虧則退兵其攻戰斬首虜賜一卮酒而所得鹵獲因以予之得人以為奴婢故其戰人人自為趣利善為誘兵以冒敵故其見敵則逐利如鳥之集其困敗則瓦解雲散矣戰而扶輿死者盡得死者家財後北服渾庾屈射丁靈昆薪犁之國於是匈奴貴人大臣皆服以冒頓單于為賢是時漢初定中國徙韓王信於代都馬邑匈奴



師紀於馬見  
之不然高皇  
帝亦有神豈  
易困哉

大攻圍馬邑韓王信降匈奴匈奴得信因引兵南踰  
句注攻太原至晉陽下高帝自將兵往擊之會冬大  
寒雨雪卒之墮指者十二三於是冒頓佯敗走誘漢  
兵漢兵逐擊冒頓冒頓匿其精兵見其羸弱於是漢  
悉兵多步兵三十二萬北逐之高帝先至平城步兵  
未盡到冒頓縱精兵四十萬騎圍高帝於白登七日  
漢兵中外不得相救餉匈奴騎其西方盡白馬東方  
盡青驪馬北方盡烏驪馬南方盡騂馬高帝乃使使



間厚遺闕氏。闕氏乃謂冒頓曰：「兩主不相困，今得漢地而單于終非能居之也。且漢王亦有神，單于察之。」冒頓與韓王信之將王黃、趙利期，而黃利兵又不來，疑其與漢有謀，亦取闕氏之言，乃解圍之一角。於是高帝令士皆持滿，傳矢外鄉，從解角直出，竟與大軍合。而冒頓遂引兵而去。漢亦引兵而罷，使劉敬結和親之約。是後韓王信爲匈奴將，及趙利、王黃等數倍約，侵盜代雲中，居無幾何，陳豨反，又與韓信合謀擊



代漢使樊噲往擊之復拔代鴈門雲中薊縣不出塞  
是時匈奴以漢將衆往降故冒頓常往來侵盜代地  
於是漢患之高帝乃使劉敬奉宗室女公主爲單于  
闕氏歲奉匈奴絮繒酒米食物各有數約爲昆弟以  
和親冒頓乃少止後燕王盧綰反率其黨數千人降  
匈奴往來苦上谷以東高祖崩孝惠呂太后時漢初  
定故匈奴以驕冒頓乃爲書遺高后妄言高后欲擊  
之諸將曰以高帝賢武然尚困於平城於是高后乃



歸過中國委  
過右賢王

止復與匈奴和親。至孝文帝初立，復脩和親之事。其三年五月，匈奴右賢王入居河南地，侵盜上氈葆塞蠻夷，殺畧人民。於是孝文帝詔丞相灌嬰發車騎八萬五千詣高奴，擊右賢王。右賢王走出塞。文帝幸太原，是時濟北王反，文帝歸，罷丞相，擊胡之兵。其明年單于遺漢書曰：「天所立匈奴大單于敬問皇帝無恙。前時皇帝言和親事，稱書意，合歡。漢邊吏侵侮右賢王，右賢王不請聽。後義盧侯難氏等計與漢吏相距。」



張威示彊然  
適知欲和耳

絕二主之約、離兄弟之親、皇帝讓書再至、發使以書  
報、不來、漢使不至、漢以其故不和、鄰國不附、今以小  
吏之敗約、故罰右賢王、使之西求月氏、擊之以天之  
福、吏卒良馬、彊力以夷、月氏盡斬殺降下之、定樓  
蘭、烏孫、呼揭、及其旁二十六國、皆以爲匈奴、諸引弓  
之民、并爲一家、北州已定、願寢兵、休士卒、養馬、除前  
事、復故約、以安邊民、以應始古、使少者得成、其長老  
者安其處、世世平樂、未得皇帝之志也、故使郎中係



雋淺奉書請獻橐駝一匹、騎馬二匹、駕二駟。皇帝即不欲匈奴近塞，則且詔吏民遠舍。使者至，即遣之。以六月中來，至薪望之地。書至，漢議擊與和親孰便。公卿詩曰：單于新破月氏，乘勝不可擊，且得匈奴地，澤鹵非可居也。和親甚便。漢許之。孝文皇帝前六年，漢遣匈奴書曰：皇帝敬問匈奴大單于無恙，使即中係雋淺。遺朕書曰：右賢王不請聽，後義盧侯難氏等計，絕二主之約，離兄弟之親。漢以故不和，鄰國不附。今

按截前書有  
法具載原文

亦一法



有擒有縱

有斟酌

以小吏敗約，故罰右賢王，使西擊月氏，盡定之，願寢  
兵休士卒，養馬，除前事，復故約，以安邊民。使少者得  
成其長，老者安其處，世世平樂。朕甚嘉之，此古聖主  
之意也。漢與匈奴約爲兄弟，所以遺單于甚厚，倍約  
離兄弟之親者，常在匈奴。然右賢王事已在赦前，單  
于勿深誅。單于若稱書意，明告諸吏，使無負約，有信  
敬如單于書，使者言單于自將伐國有功，甚苦兵事，  
服繡袷綺衣，繡袷長襦，錦袷袍，各一，比余一。  
索隱曰：案漢書



作比踈廣雅云比櫛也蒼頡篇云靡者爲比龕者爲梳

黃金飾貝帶一黃金胥

紕一繡十匹錦三十匹赤紵綠繒各四十匹使中大

夫意謁者令肩遺單于後頃之冒頓成子稽粥立號

曰老上單于老上稽粥單于初立孝文皇帝後遣宗

室女公主爲單于閼氏使宦者燕人中行說傳公主

說不欲行漢彊使之說曰必我行也爲漢患者中行

說旣至因降單于單于甚親幸之初匈奴好漢繒絮

食物中行說曰匈奴人衆不能當漢之一氈然所以



疆者、以衣食異、無仰於漢也。今單于變俗、好漢物、漢物不過什二、則匈奴盡歸於漢矣。其得漢繒絮、以馳草棘中、衣袴皆裂敝、以示不如旃裘之完善也。得漢食物皆去之、以示不如湏酪之便美也。於是說教單于左右、䟽記、以計課其人衆畜物。漢遺單于書牘、以尺一寸、辭曰、皇帝敬問匈奴大單于、無恙。所遺物及言語云云。中行說令單于遺漢書、以尺二寸、牘及印封、皆令廣大長、倨傲其辭曰、天地所生、日月所置、匈奴



織得文密甚

此 甘心胡虜如

奴大單于敬問漢皇帝無忿所以遺物言語亦云云  
漢使或言曰匈奴俗賤老中行說窮漢使曰而漢俗  
屯戍從軍當發者其老親豈有不自脫溫厚肥美以  
齎送飲食行戍乎漢使曰然中行說曰匈奴明以戰  
攻爲事其老弱不能鬪故以其肥美飲食壯健者蓋  
以自爲守衛如此父子各得久相保何以言匈奴輕  
老也漢使曰匈奴父子乃同穹廬而臥父死妻其後  
母兄弟死盡取其妻妻之無冠帶之飾闕庭之禮中



行說曰、匈奴之俗、人食畜肉、飲其汁、衣其皮、畜食草、  
飲水、隨時轉移、故其急、則人習騎射、寬、則人樂無事、  
其約束輕、易行也、君臣簡易、一國之政、猶一身也、父  
子兄弟、取其妻妻之、惡種姓之失也、故匈奴雖亂、  
必立宗種、今中國雖諄不取其父兄之妻、親屬益踈、  
則相殺、至乃易姓、皆從此類、且禮義之敝、上下交怨、  
望、而室屋之極、生力必屈、夫力耕桑以求衣食、築城  
郭以自備、故其民急、則不習戰功、緩、則罷於作業、嗟、



土室之人、顧無多辭、令喋喋而佔佔、冠固何當、自是  
之後、漢使欲辯論者、中行說輒曰、漢使無多言、顧漢  
所輸匈奴、繒絮米粟、令其量中、必善美而已矣、何以  
爲言乎、且所給備善、則已、不備苦惡、則候秋熟、以騎  
馳蹂而稼穡耳、日夜敎單于候利害處、漢孝文皇帝  
十四年、匈奴單于十四萬騎、入朝那蕭關、殺北地都  
尉、虜人民畜產甚多、遂至彭陽、使奇兵入燒圜中  
宮、候騎至、雍甘泉、於是文帝以中尉周舍、郎中令張



武爲將軍發車千乘騎十萬軍長安旁以備胡寇而  
拜昌侯盧卿爲上薊將軍甯侯魏遼爲北地將軍隆  
慮侯周竈爲隴西將軍東陽侯張相如爲大將軍成  
侯董赤爲前將軍大發車騎往擊胡單于留塞內月  
餘乃去漢逐出塞即還不能有所殺匈奴日已驕歲  
入邊殺畧人民畜產甚多雲中遼東最甚至代薊萬  
餘人漢患之乃使使遺匈奴書單于亦使當戶報謝  
復言和親事孝文帝後二年使使遺匈奴書曰皇帝



稱統帝善

織綜甚密

聖人又善

敬問匈奴大單于無恙使當戶且居雕渠難郎中韓

遼遺朕馬二匹已至敬受先帝制長城以北引弓之

溫文

國受命單于長城以內冠帶之室朕亦制之使萬民

中國匈奴

耕織射獵衣食父子無離臣主相安俱無暴途今聞

妙委過

深惡民貪降其進取之利倍義絕約忘萬民之命離

語痛

兩主之驩然其事已在萌矣書曰二國已和親兩主

忽轉尤妙

驩說寢兵休卒養馬世世昌樂闕然更始朕甚嘉之

聖人者日新改作更始使老者得息幼者得長各保



明和親爲大  
道

遺之有名道  
破和親後漢  
贈遺約束

恐有芥蒂故  
云

其○首○領○而○終○其○天○年○朕○與○單○于○俱○由○此○道○順○天○恤○民○  
世○世○相○傳○施○之○無○窮○天○下○莫○不○咸○便○漢○與○匈○奴○鄰○敵○  
之○國○匈○奴○處○北○地○寒○殺○氣○早○降○故○詔○吏○遺○單○于○林○檉○  
金○帛○絲○絮○佗○物○歲○有○數○今○天○下○大○安○萬○民○熙○熙○朕○與○  
單○于○爲○之○父○母○朕○追○念○前○事○薄○物○細○故○謀○臣○計○失○皆○  
不○足○以○離○兄○弟○之○驩○朕○聞○天○不○頗○覆○地○不○偏○載○朕○與○  
單○于○皆○捐○往○細○故○俱○蹈○大○道○墮○壞○前○惡○以○圖○長○久○使○  
兩○國○之○民○若○一○家○子○元○元○萬○民○下○及○魚○鼈○上○及○飛○鳥○



始援先帝聖

人而卒歸之

天意象宏遠

詞意諄篤真

王者之言

申固約束結

跂行喙息蠕動之類莫不就安利而辟危殆故來者  
不止天之道也俱去前事朕釋逃虜民單于無言章  
尼等朕聞古之帝王約分明而無食言單于留志天  
下大安和親之後漢過不先單于其察之單于既約  
和親於是制詔御史曰匈奴大單于遺朕書言和親  
已定亾人不足以益衆廣地匈奴無入塞漢無出塞  
犯令約者殺之可以久親後無咎俱便朕已許之其  
布告天下使明知之後四歲老上稽弼單于歿子軍



臣立爲單于、旣立、孝文皇帝復與匈奴和親、而中行  
說復事之、軍臣單于立四歲、匈奴復絕和親、大入上  
氐雲中、各三萬騎、所殺畧甚衆而去、於是漢使三將  
軍、軍屯北地、代屯句注、趙屯飛狐口、緣邊亦各堅守  
以備胡寇、又置三將軍、軍長安西、細柳、渭北、棘門、霸  
上、以備胡、胡騎入代、句注、邊、烽火通於甘泉、長安、數  
月、漢兵至邊、匈奴亦去遠塞、漢兵亦罷、後歲餘、孝文  
帝崩、孝景帝立、而趙王遂乃陰使人於匈奴、吳楚反、



欲與趙合謀入邊漢圍破趙匈奴亦止自是之後孝  
景帝復與匈奴和親通關市給遺匈奴遣公主如故  
約終孝景時時小入盜邊無大寇今帝即位明和親  
約束厚遇通關市饒給之匈奴自單于以下皆親漢  
往來長城下漢使馬邑下人聶翁壹奸音干干蘭蘭犯禁私  
出物也出物與匈奴交詐爲賣馬邑城以誘單于單于  
信之而入馬邑財物乃以十萬騎入武州塞漢伏兵

三十餘萬馬邑旁御史大夫韓安國爲護軍護四將



軍以伏單于。單于旣入漢塞，未至馬邑百餘里，見畜  
布野而無人牧者，恠之，乃攻亭。是時鴈門尉史行徼，  
見寇，葆此亭，知漢兵謀。單于得，欲殺之。尉史乃告單  
于。漢兵所居，單于大驚曰：「吾固疑之。」乃引兵還，出曰：  
「吾得尉史，天也。」天使若言，以尉史爲天王。漢兵約單  
于入馬邑而縱，單于不至，以故漢兵無所得。漢將軍  
王恢部出代，擊胡輜重，聞單于還，兵多不敢出。漢以  
恢本造兵謀而不進，斬恢。自是之後，匈奴絕和親，攻



當路塞，往往入盜於漢邊，不可勝數。然匈奴貪，尚樂關市，嗜漢財物，漢亦尚關市，不絕，以中之。自馬邑軍後，五年之秋，漢使四將軍，各萬騎，擊胡關市下。將軍衛青出上谷，至龍城，得胡首虜七百人。公孫賀出雲中，無所得。公孫敖出代，罷爲胡所敗，七千餘人。李廣出鴈門，爲胡所敗，而匈奴生得廣。廣後得亡歸漢。因敖廣，敖廣贖爲庶人。其冬，匈奴數入盜邊，漁陽尤甚。漢使將軍韓安國屯漁陽，備胡。其明年秋，匈奴二萬



騎入漢、殺遼西太守、畧二千餘人、胡又入敗漁陽太  
守軍千餘人、圍漢將軍安國、安國時千餘騎、亦且盡、  
會燕救至、匈奴乃去、匈奴又入鴈門、殺畧千餘人、於  
是漢使將軍衛青、將三萬騎出鴈門、李息出代郡、擊  
胡、得首虜數千人、其明年、衛青復出雲中以西、至隴  
西、擊胡之樓煩、白羊王於河南、得胡首虜數千、牛羊  
百餘萬、於是漢遂取河南地、築朔方、復繕故秦時蒙  
恬所爲塞、因河爲固、漢亦棄上谷之什辟縣、造陽地

音斗



以予胡，是歲漢之元朔二年也。其後冬，匈奴軍臣單于死，軍臣單于弟左谷蠡王伊稚斜自立爲單于，攻破軍臣單于太子於單，於單亡降漢，漢封於單爲涉安侯。數月而死。伊稚斜單于既立，其夏，匈奴數萬騎入殺代郡太守恭，及畧千餘人。其秋，匈奴又入鴈門，殺畧千餘人。其明年，匈奴又復入代郡，定襄上郡，各三萬騎，殺畧數千人。匈奴右賢王怨漢奪之河南地，而築朔方，數爲寇盜邊，及入河南，侵擾朔方，殺畧吏。



民甚衆其明年春漢以衛青爲大將軍將六將軍十餘萬人出朔方高闕擊胡右賢王以爲漢兵不能至飲酒醉漢兵出塞六七百里夜圍右賢王右賢王大驚脫身逃走諸精騎往往隨後去漢得右賢王衆男女萬五千人裨小王十餘人其秋匈奴萬騎入殺代罷都尉朱英畧千餘人其明年春漢復遣大將軍衛青將六將軍兵十餘萬騎乃再出定襄數百里擊匈奴得俘虜前後凡萬九千餘級而漢亦亡兩將軍軍



三千餘騎、右將軍建得以身脫、而前將軍翕侯、趙信、  
兵不利、降匈奴、趙信者、故胡小王、降漢、漢封爲翕侯、  
以前將軍、與右將軍、并軍分行、獨遇單于兵、故盡沒、  
單于旣得翕侯、以爲自次王、用其姊妻之、與謀漢、信  
教單于益北絕幕、以誘罷漢兵、徼極而取之、無近塞、  
單于從其計、其明年、胡騎萬人入上谷、殺數百人、其  
明年春、漢使驃騎將軍去病、將萬騎出隴西、過焉支  
山、千餘里、擊匈奴、得胡首虜騎萬八千餘級、破得休



屠王祭天金人其夏驃騎將軍復與合騎侯數萬騎出隴西北地二千里擊匈奴過居延攻祁連山得胡畜虜三萬餘人裨小王以下七十餘人是時匈奴亦來入代靚鴈門殺畧數百人漢使博望侯及李將軍廣出右北平擊匈奴右賢王右賢王圍李將軍卒可四千人且盡殺虜亦過當會博望侯軍救至李將軍得脫漢失亡數千人合騎侯後驃騎將軍期及與博望侯皆當死贖爲庶人其秋單于怒渾耶王休屠王



居西方爲漢所殺虜數萬人欲召誅之渾耶王與休屠王恐謀降漢漢使驃騎將軍往迎之渾耶王殺休屠王并將其衆降漢凡四萬餘人號十萬於是漢已得渾耶王則隴西北地河西益少胡寇徙關東貧民處所奪匈奴河南新秦中以實之而滅北地以西戍卒半其明年匈奴入右北平定襄各數萬騎殺畧千餘人而去其明年春漢謀曰翁侯信爲單于計居幕北以爲漢兵不能至乃粟馬發十萬騎負私從馬凡



十四萬匹糧重不與焉。令大將軍青、驃騎將軍去病中分軍，大將軍出定襄，驃騎將軍出代，咸約絕幕擊匈奴。匈奴單于聞之，遠其輜重，以精兵待於幕北。與漢大將軍接戰，一日，會暮，大風起，漢兵縱左右翼圍單于，單于自度戰不能如漢兵，單于遂獨身與壯騎數百潰漢圍西北遁走。漢兵夜追，不得行，斬捕匈奴首虜萬九千級，北至闐顏山，趙信城而還。單于之遁走，其兵往往與漢兵相亂而隨單于，單于久不與其



大衆相得、其右谷蠡王以爲單于歟、乃自立爲單于、  
真單于復得其衆、而右谷蠡王乃去其單于號、復爲  
右谷蠡王、漢驃騎將軍之出代二千餘里、與左賢王  
接戰、漢兵得胡首虜凡七萬餘級、左賢王將皆遁走、  
驃騎封於狼居胥山、禪姑衍、臨翰海而還、是後匈奴  
遠遁、而幕南無王庭、漢度河、自朔方以西至今、往  
往通渠、置田官、吏卒五六萬人、稍蠶食地、接匈奴以  
北、初漢兩將軍大出圍單于、所殺虜八九萬、而漢士



自匈奴絕和親而來漢出  
擊匈奴如匈奴  
入盜邊及接  
戰士馬死傷  
勝負亦畧相  
當矣傷哉萬  
人之命

卒物故亦數萬漢馬死者十餘萬匈奴雖病遠去而  
漢亦馬少無以復往匈奴用趙信之計遣使於漢好  
辭請和親天子下其議或言和親或言遂臣之丞相  
長史任敞曰匈奴新破困宜可使爲外臣朝請於邊  
漢使任敞於單于單于聞敞計大怒留之不遣先是  
漢亦有所降匈奴使者單于亦輒留漢使相當漢方  
復收士馬會驃騎將軍去病死於是漢久不北擊胡  
數歲伊稚斜單于立十三年死子烏維立爲單于是



何益哉

歲漢元鼎三年也。烏維單于立，而漢天子始出巡。隴  
縣其後，漢方南誅兩越，不擊匈奴。匈奴亦不侵入邊。  
烏維單于立三年，漢已滅南越，遣故太僕賀將萬五  
千騎出九原，二千餘里，至浮苴井而還，不見匈奴一  
人。漢又遣故從驃侯趙破奴萬餘騎，出令居數千里，  
至匈奴河水而還，亦不見匈奴一人。是時，天子巡邊  
至朔方，勒兵十八萬騎，以見武節。而使郭吉、風告單  
于。郭吉既至匈奴，匈奴主客問所使，郭吉禮卑，言好。



勃勃有生氣

張策

曰、吾見單于而口言、單于見吉、吉曰、南越王頭已懸  
於漢北闕、今單于能、即前與漢戰、天子自將兵待邊  
單于、即不能、即南面而臣於漢、何徒遠走、長有、力、句、匿於幕  
北寒、苦無水草之地、母爲也、語卒而單于大怒、立斬  
主客見者、而留郭吉不歸、遷之北海上、而單于終不  
肯爲寇於漢邊、休養息士馬、習射獵、數使使於漢、好  
辭甘言、求請和親、漢使王烏等窺匈奴、匈奴法、漢使  
非去節而以墨黥其面者、不得入穹廬、王烏、北地人、



習胡俗去其節黥面得入穹廬單于愛之詳許甘言  
爲遣其太子入漢爲質以求和親漢使楊信於匈奴  
是時漢東拔穢貉朝鮮以爲隄而西置酒泉隄以隔  
絕胡與羌通之路漢又西通月氏大夏又以公主妻  
烏孫王以分匈奴西方之援國又北益廣田至胘雷  
爲塞而匈奴終不敢以爲言是歲翁侯信死漢用事  
者以匈奴爲已弱可臣從也楊信爲人剛直屈彊素  
非貴臣單于不親單于欲召入不肯去節單于乃坐



穹廬外見楊信、楊信既見單于、說曰、即欲和親、以單于太子爲質於漢、單于曰、非故約、故約、漢常遣公主、給繒絮食物有品、以和親、而匈奴亦不擾邊、今乃欲反古、令吾太子爲質、無幾矣、匈奴俗、見漢使、非中貴人、其儒先、以爲欲說折其辭、其少年、以爲欲刺折其氣、每漢使入匈奴、匈奴輒報償、漢留匈奴使、匈奴亦留漢使、必得當、乃肯止、楊信既歸、漢使王烏、而單于復調以甘言、欲多得漢財物、綰謂王烏曰、吾欲入漢



見天子、面、相、約、爲、兄、弟、王、烏、歸、報、漢、漢、爲、單、于、築、邸、  
于、長、安、匈、奴、曰、非、得、漢、貴、人、使、吾、不、與、誠、語、匈、奴、使、  
其、貴、人、至、漢、病、漢、予、藥、欲、愈、之、不、幸、而、死、而、漢、使、路、  
克、國、佩、二、千、石、印、綬、往、使、因、送、其、喪、厚、葬、直、數、千、金、  
曰、此、漢、貴、人、也、單、于、以、爲、漢、殺、吾、貴、使、者、乃、留、路、克、  
國、不、歸、諸、所、言、者、單、于、特、空、給、王、烏、殊、無、意、入、漢、及、  
遣、太、子、來、質、於、是、匈、奴、數、使、奇、兵、侵、犯、邊、漢、乃、拜、郭、  
昌、爲、拔、胡、將、軍、及、浞、野、侯、屯、朔、方、以、東、備、胡、路、克、國、



留匈奴三歲、單于死、烏維單于立、十歲而死、子烏師廬立爲單于、年少、號爲兒單于、是歲、元封六年也、自此之後、單于益西北、左方兵直雲中、右方直酒泉、燉煌、毘兒單于立、漢使兩使者、一弔單于、一弔右賢王、欲以乖其國、使者入匈奴、匈奴悉將致單于、單于怒、而盡留漢使、漢使留匈奴者前後十餘輩、而匈奴使來、漢亦輒留、相當、是歲、漢使貳師將軍廣利西伐大宛、而令因杆將軍敖、築受降城、其冬、匈奴大雨雪、畜



多饑寒、成兒單于年少、好殺伐、國人多不安。左大都尉欲殺單于、使人間告漢曰：「我欲殺單于降漢。」漢遠即兵來迎我。我即發。初、漢聞此言、故築受降城。猶以爲遠。其明年春、漢使浞野侯破奴將二萬餘騎出朔方西北二千餘里、期至浚稽山而還。浞野侯旣至期而還、左大都尉欲發而覺、單于誅之、發左方兵擊浞野、浞野侯行、捕首虜數千人還。未至受降城四百里、匈奴兵八萬騎圍之。浞野侯夜自出求水、匈奴間捕



生得浞野侯，因急擊其軍。軍中郭縱爲護，維王爲渠，相與謀曰：「及諸校尉畏亡將軍而誅之，莫相勸歸軍。」遂沒於匈奴。匈奴兒單于大喜，遂遣奇兵攻受降城，不能下，乃寇入邊而去。其明年，單于欲自攻受降城，未至病歿。兒單于立三歲而死。子年少，匈奴乃立其季父烏維單于弟右賢王。匈奴使光祿徐自爲出五原塞，三年也。匈奴單于立，漢使光祿徐自爲出五原塞，數百里，遠者千餘里，築城郭，列亭至廬朐，而使游擊。



將軍韓說、長平侯衛伉、屯其旁、使彊弩都尉路博德、  
築居延澤上、其秋匈奴大入定襄雲中、殺畧數千人、  
敗數二千石而去、行破壞光祿所築城、列亭鄣、又使  
右賢王入酒泉、張掖畧數千人、會任文擊救、盡復失  
所得而去、是歲貳師將軍破大宛、斬其王而還、匈奴  
欲遮之、不能至、其冬欲攻受降城、會單于病、从匈奴  
湖單于立一歲、从匈奴乃立其弟左大都尉且鞮侯  
爲單于、漢旣誅大宛、威震外國、天子意欲遂困胡、乃



豈夷狄信安  
可結言安可  
得信結之何  
爲

下詔曰高皇帝遺朕平城之憂高后時單于書絕悖  
逾昔齊襄公復百世之讐春秋大之是歲太初四年  
也且鞮侯單于旣立盡歸漢使之不降者路克國等  
得歸單于初立恐漢襲之乃自謂我兒子安敢望漢  
天子漢天子我丈人行也漢遣中郎將蘇武厚幣賂  
遺單于單于益驕禮甚倨非漢所望也其明年浞野  
侯破奴得亾歸漢其明年漢使貳師將軍廣利以三  
萬騎出酒泉擊右賢王於天山得胡首虜萬餘級而



還匈奴大圍貳師將軍、幾不脫、漢兵物故什六七、漢復使因杆將軍敷出西河、與彊弩都尉會涿涂山、毋所得、又使騎都尉李陵將步騎五千人出居延北千餘里、與單于會、合戰、陵所殺傷萬餘人、兵及食盡、欲解歸、匈奴圍陵、陵降匈奴、其兵遂沒、得還者四百人、單于乃貴陵、以其女妻之、後二歲復使貳師將軍將六萬騎步兵十萬出朔方、彊弩都尉路博德將萬餘人與貳師會、游擊將軍說將步騎三萬人出五原、因



人謂秦皇漢  
武諒哉今憤  
中國武事不  
競扼腕而談  
漢武嗟未覩  
漢之弊耳

杆將軍敷將萬騎步兵三萬人出鴈門匈奴聞悉遠  
其累重於余吾水北而單于以十萬騎待水南與貳  
師將軍接戰貳師乃解而引歸與單于連戰十餘日  
貳師聞其家以巫蠱族滅因并衆降匈奴得來還千  
人、一、兩、人、耳、游擊說無所得因杆敷與左賢王戰不  
利、引、歸、是、歲、漢、兵、之、出、擊、匈、奴、者、不、得、言、功、多、少、功、  
不、得、御、有、詔、捕、太、醫、令、隨、但、言、貳、師、將、軍、家、室、族、滅、  
使、廣、利、得、降、匈、奴、



褒大也為其文  
既切近當世則  
無庸褒其當世  
忌諱之辭以賈  
禍為也言遜之  
義

世之言匈奴者

二端將帥務連

兵遊談務和親

獨不悟其偏指

不參建功不深

耳委過二家故

歸之擇將相將

相深功在計安

九州天下寧三

字極有深意

太史公曰孔氏著春秋隱桓之間則章至定哀之際  
則微為其切當世之文而罔褒忌諱之辭也世俗之

言匈奴者患其微一時之權而務調納其說以便偏

之失口口

指不參彼已將率席中國廣大氣奮人主因以決策

斷連兵之微

是以建功不深堯雖賢興事業不成得禹而九州寧

安事匈奴真春秋微婉家法

且欲興聖統唯在擇任將相哉唯在擇任將相哉

傳叙漢匈奴事令人扼腕卒澤之和平與平準書

同



南越王尉佗列傳

書尉佗正名也

南越王尉佗者，真定人也。姓趙氏。秦時已并天下，畧定揚越，置桂林、南海、象郡，以謫徙民，與越雜處。十三歲，佗秦時用爲南海龍川令。至二世時，南海尉任囂病且歿，召龍川令趙佗，語曰：「聞陳勝等作亂，秦爲無道，天下苦之。項羽、劉季、陳勝、吳廣等州郡各其興軍，聚衆虎爭天下，中國擾亂，未知所安。豪傑畔秦，相立南海，僻遠，吾恐盜兵侵地至此。吾欲興兵，絕新道，自

豪語可想



備待諸侯變會病甚且番禺負山險阻南海東西數  
千里頗有中國人相輔此亦一州之主也可以立國  
罷中長吏無足與言者故召公告之即被佗書行南  
海尉事囂从佗即移檄告橫浦陽山湟谿關曰盜兵  
且至急絕道聚兵自守因稍以法誅秦所置長吏以  
其黨爲假守秦已破滅佗即擊斧桂林象羆自立爲  
南越武王高帝已定天下爲中國勞苦故釋佗弗誅  
漢十一年遣陸賈因立佗爲南越王與剖符通使和



集百越。毋爲南邊患害。與長沙接境。高后時。有司請  
禁南越關市鐵器。佗曰。高帝立我。通使物。今高后聽  
讒臣。別異蠻夷。隔絕器物。此必長沙王計也。欲倚中  
國。擊滅南越。而弁王之。自爲功也。於是佗乃自尊號  
爲南越武帝。發兵攻長沙邊邑。敗數縣而去焉。高后  
遣將軍隆慮侯竈往擊之。會暑溼。士卒大疫。兵不能  
踰嶺。歲餘。高后崩。卽罷兵。佗因此以兵威邊。財物賂  
遺閩越。西甌駱。役屬焉。東西萬餘里。廼乘黃屋左纁。



氣象

稱制與中國侔。及孝文帝元年，初鎮撫天下，使告諸侯。四夷從代來，即位意喻盛德焉。乃爲佗親家在真定，置守邑，歲時奉祀，召其從昆弟，尊官厚賜，寵之。詔丞相陳平等舉可使南越者。平言好時。陸賈先帝時習使南越，廼召賈以爲太中大夫往使。因讓佗自立爲帝，曾無一介之使報者。陸賈至，南越王甚恐，爲書謝，稱曰：蠻夷大長老夫臣佗。前日高后隔異南越，竊疑長沙王讒臣。又遥聞高后盡誅佗宗族，掘燒先人。



冢以故自棄犯長沙邊境且南方卑溼蠻夷中間其  
東閩越千人衆號稱王其西甌駱裸國亦稱王老臣  
妄竊帝號聊以自娛豈敢以聞天王哉乃頓首謝願  
長爲藩臣奉貢職於是乃下令國中曰吾聞兩雄不  
俱立兩賢不並世皇帝賢天子也自今以後去帝制  
黃屋左纁陸賈還報孝文帝大說遂至孝景時稱臣  
使人朝請然南越其居國竊如故號籙其使天子稱  
王朝命如諸侯至建元四年卒佗孫胡爲南越王此



時閩越王郢興兵擊南越邊邑。胡使人上書曰：「兩越俱爲藩臣，毋得擅興兵相攻擊。今閩越興兵侵臣，臣不敢興兵。唯天子詔之。」於是天子多南越義，守職約，爲興師遣兩將軍往討閩越。兵未踰嶺，閩越王弟餘善殺郢以降。於是罷兵。天子使莊助往諭意。南越王胡頓首曰：「天子乃爲臣，興兵討閩越，死無以報德。」遣太子嬰齊入宿衛。謂助曰：「國新被寇，使者行矣。」胡方日夜裝入見天子。助去後，其大臣諫胡曰：「漢興兵誅。」



方天下未定  
成敗未有分  
則此信格言

語外夷狄有  
法  
猶然他語大  
臣故智

郢亦行以驚動南越。且先王昔言事天子期無失禮。要之不可以說好語入見。入見則不得復歸。亡國之勢也。於是胡稱病。竟不入見。後十餘歲。胡實病甚。太子嬰齊請歸。胡薨。謚爲文王。嬰齊代立。卽藏其先武帝璽。嬰齊其入宿衛。在長安時。取邯鄲繆氏女。生子興。及卽位。上書請立繆氏女爲后。興爲嗣。漢數使使者風諭嬰齊。嬰齊尚樂擅殺生。自恣。懼入見。要用漢法。比內諸侯。固稱病。遂不入見。遣子次公入宿衛。嬰



齊薨謚爲明王太子興代立其母爲太后太后自未  
爲嬰齊姬時嘗與霸陵人安國少季通及嬰齊薨後  
元鼎四年漢使安國少季往諭王王太后以入朝比  
內諸侯令辯士諫大夫終軍等宣其辭勇士魏臣等  
輔其缺衛尉路博德將兵屯桂陽待使者王年少太  
后中國人也嘗與安國少季通其使復私焉國人頗  
知之多不附太后太后恐亂起亦欲倚漢威數勸王  
及羣臣求內屬卽因使者上書請比內諸侯三歲一



朝除邊關於是天子許之賜其丞相呂嘉銀印及內  
史中尉太傅印餘得自置除其故黥劓刑用漢法比  
內諸侯使者皆留填撫之王王太后飭治行裝重齎  
爲入朝具其相呂嘉年長矣相三王宗族官仕爲長  
吏者七十餘人男盡尚王女女盡嫁王子兄弟宗室  
及蒼梧秦王有連其居國中甚重越人信之多爲耳  
目者得衆心愈於王王之上書數諫止王王弗聽有  
畔心數稱病不見漢使者使者皆注意嘉勢未能誅



王王太后亦恐嘉等先事發、乃置酒、介漢使者權、謀誅嘉等、使者皆東鄉、太后南鄉、王北鄉、相嘉大臣皆西鄉、侍坐飲、嘉弟爲將、將卒居宮外、酒行、太后謂嘉曰、南越內屬、國之利也、而相君苦不便者、何也、以激怒使者、使者狐疑相杖、遂莫敢發、嘉見耳目非是、即起而出、太后怒、欲鋌嘉以矛、王止太后、嘉遂出、分其弟兵就舍、稱病、不肯見王及使者、乃陰與大臣作亂、王素無意誅嘉、嘉知之以故、數月不發、太后有淫行、



國人不附、欲獨誅嘉等、力又不能、天子聞嘉不聽王  
王太后弱孤、不能制、使者怯、無決、又以為王王太后  
已附漢、獨呂嘉為亂、不足以興兵、欲使莊參以二千  
人往使、參曰、以好往、數人足矣、以武往、二千人無足  
以為也、辭不可、天子罷參也、邾壯士故濟北相韓千  
秋奮曰、以區區之越、又有王太后應、獨相呂嘉為害、  
願得勇士二百人、必斬嘉以報、於是天子遣千秋與  
王太后弟樛樂、將二千人往、入越境、呂嘉等乃遂反、



下令國中曰王年少太后中國人也又與使者亂專欲內屬盡持先王寶器入獻天子以自媚多從人行至長安虜賣以爲僮僕取自脫一時之利無顧趙氏社稷爲萬世慮計之意乃與其弟將卒攻殺王太后及漢使者遣人告蒼梧秦王及其諸虜縣立明王長男越妻子術陽侯建德爲王而韓千秋兵入破數小邑其後越直開道給食未至番禺四十里越以兵擊千秋等遂滅之使人頸封漢使者節置塞上好爲謾



武帝詔命最  
雖高此可見

辭謝罪、發兵守要害處、於是天子曰、韓千秋雖無成  
功、亦軍鋒之冠、封其子延年爲成安侯、繆樂其姊爲  
王太后、皆願屬漢、封其子廣德爲龍亢侯、乃下赦曰、  
天子微諸侯力政、譏臣不討賊、今呂嘉、建德等反、自  
立、晏如、令罪人及江淮以南、樓船十萬師往討之、元  
鼎五年秋、衛尉路博德爲伏波將軍、出桂陽、下匯水、  
主爵都尉楊僕爲樓船將軍、出豫章、下橫浦、故歸義  
越侯二人爲戈船、下厲將軍、出零陵、或下離水、或抵



蒼梧使馳義侯因巴蜀罪人發夜郎兵干牂牁江咸會番禺元鼎六年冬樓船將軍將精卒先陷尋陝破石門得越船粟因推而前挫越鋒以數萬人待伏波伏波將軍將罪人遁遠會期後與樓船會乃有千餘人遂俱進樓船居前至番禺建德嘉皆城守樓船自擇便處居東南面伏波居西北面會暮樓船攻敗越人縱火燒城越素聞伏波名日暮不知其兵多少伏波乃爲營遣使者招降者賜印復縱令相招樓船力



攻燒敵反驅而入伏波營中犂旦城中皆降伏波呂  
嘉建德已夜與其屬數百人入海以船西去伏波  
又因問所得降者貴人以知呂嘉所之遣人追之以  
其故校尉司馬蘇弘得建德封爲海常侯越郎都稽  
得嘉封爲臨蔡侯

蒼梧王趙光者越王同姓聞漢兵至及越揭陽令定  
自定屬漢越桂林監居翁諭甌駱屬漢皆得爲侯戈  
船下厲將軍兵及馳義侯所發夜郎兵未下南越已



提本傳內事

綱作贊用韻

語綜之又贊

中一法

平矣、遂爲九羆、伏波將軍益封、樓船將軍兵以陷堅、  
爲將梁侯、自尉佗初王、後五世、九十三歲而國亡焉、  
太史公曰、尉佗之王、本由任囂、遭漢初定、列爲諸侯、  
隆慮離溘疫、佗得以益驕、甌駝相攻、南越動搖、漢兵  
臨境、嬰齊入朝、其後亡國、徵自樛女、呂嘉小忠、令佗  
無後、樓船從欲、怠傲失惑、伏波困窮、智慮愈殖、因禍  
爲福、成敗之轉、譬若糾墨、



東越列傳

連帶作一傳

妙

用大統綱紀

闕越東甌錯  
格佳

閩越王無諸及越東海王搖者其先皆越王勾踐之  
後也姓騶氏秦已并天下皆廢爲君長以其地爲閩  
中越及諸侯畔秦無諸搖率越歸鄱陽令吳芮所謂  
鄱君者也從諸侯滅秦當是之時項籍主命弗王以  
故不附楚漢擊項籍無諸搖率越人佐漢漢五年復  
立無諸爲閩越王王閩中故地都東冶孝惠三年舉  
高帝時越功曰閩君搖功多其民便附乃立搖爲東



海王都東甌、世俗號爲東甌王。後數世，至孝景三年，  
吳王濞反，欲從閩越。綴閩越未肯行，獨東甌從吳。及吳  
破，東甌受漢購，殺吳王丹徒，以故皆得不誅，歸國。吳  
王子子駒亡走閩越，怨東甌殺其父，常勸閩越擊東  
甌。至建元三年，閩越發兵圍東甌，東甌食盡困，且降。  
乃使人告急天子。天子問太尉田蚡，蚡對曰：「越人相  
攻擊，固其常。又數反覆，不足以煩中國往救也。自秦  
時棄弗屬，於是中大夫莊助詰蚡曰：「特患力弗能救。」



逆武帝雄心  
陳大畧故從  
駁駟說果痛  
快

東甌途內徙  
東甌事止此

德弗能覆誠能何故棄之且秦舉咸陽而棄之何乃  
越也今小國以窮困來告急天子天子弗振當安所  
告懇又何以千萬國乎上曰太尉未足與計吾初卽  
位不欲出虎符發兵醜國乃遣莊助以節發兵會稽  
會稽太守欲距不爲發兵助乃斬一司馬諭意指遂  
發兵浮海救東甌未至閩越引兵而去東甌請舉國  
徙中國乃悉舉衆來處江淮之間至建元六年閩越  
擊南越南越守天子約不敢擅發兵擊而以聞上遣



本欲弑君自  
立獨假漢威  
衆故其言如  
此

耘疑誤

大行王恢出豫章大農韓安國出會稽皆爲將軍兵  
未踰嶺聞越王郢發兵距險其弟餘善乃與相宗族  
謀曰王以擅發兵擊南越不請故天子兵來誅今漢  
兵衆彊今即幸勝之後來益多終滅國而止今殺王  
以謝天子天子聽罷兵固一國完不聽乃力戰不勝  
即入海皆曰善即縱殺王使使奉其頭致大行大  
行曰所爲來者誅王今王頭至謝罪不戰而耘利莫  
大焉乃以便宜案兵告大農軍而使使奉王頭



閩越自是芬  
兩王一越由  
王一東越王

終忽

是時乘餘善  
持兩端可擊

天子詔罷兩將兵曰郢等首惡獨無諸孫繇君丑不  
與謀焉乃使郎中將立丑爲越繇王奉閩越先祭祀  
餘善已殺郢威行於國國民多屬竊自立爲王繇王  
不能矯其衆持正天子聞之爲餘善不足復興師曰  
餘善數與郢謀亂而後曾誅郢師得不勞因立餘善  
爲東越王與繇王並處至元鼎五年南越反東越王  
餘善上書請以卒八千人從樓船將軍擊呂嘉等兵  
至揭陽以海風波爲解不行持兩端陰使南越及漢



而然罷兵

終怨終愼蓋

武帝初年愼

重時事

前不云乎漢

衆彊即幸勝

後來益多終

滅國而止何

殊味也

又假漢威衆

管掩耳偷鈴

耳

史記內紀

卷十四

破番禺不至是時樓船將軍楊僕使使上書願便引  
兵擊東越上曰士卒勞倦不許罷兵令諸校屯豫章  
梅嶺待命元鼎六年秋餘善聞樓船請誅之漢兵臨  
境且往乃遂反發兵距漢道號將軍騶力等爲吞漢  
將軍入白沙武林梅嶺殺漢三校尉是時漢使大農  
張成故山州侯齒將屯弗敢擊却就便處皆坐畏懦  
誅餘善刻武帝璽自立詐其民爲妄言天子遣橫海  
將軍韓說出句章浮海從東方往樓船將軍楊僕出



武林中尉王溫舒出梅嶺，越侯爲戈船下瀨將軍，出  
若邪白沙，元封元年冬，咸入東越。東越素發兵距險，  
使徇北將軍守武林，敗樓船軍數校尉，殺長吏，樓船  
將軍率錢唐轅終古斬徇北將軍，爲禦兒侯。自兵未  
往，故越衍侯吳陽前在漢，漢使歸諭餘善，餘善弗聽。  
及橫海將軍先至，越衍侯吳陽以其邑七百人反攻，  
越軍於漢陽，從建侯敖與其率從繇王居股謀曰，  
餘善貪惡，劫守吾屬，今漢兵至衆彊，計殺餘善自歸。



三降將得

餘善故封橫

海先至故封

前無繚嬰功

突得封諸將

莫封故詳文

字密繳

諸將儻幸得脫，乃遂俱殺餘善。以其衆降橫海將軍，故封繇王居股爲東成侯，萬戶。封建成侯敖爲開陵侯，封越衍侯吳陽爲北石侯，封橫海將軍說爲按道侯，封橫海校尉福爲繚嬰侯。福者，成陽共王子，故爲海常侯，坐法失侯。舊從軍無功，以宗室故，侯諸將皆無成功。莫封東越將多軍。漢兵至，棄其軍降，封爲無錫侯。於是天子曰：東越狹多阻，閩越悍數反覆，詔軍吏皆將其民徙處江淮間。東越地遂虛。



太史公曰越雖蠻夷其先豈嘗有大功德於民哉何其人也歷數代常爲君王句踐一稱伯然餘善至大  
邇滅國遷衆其先苗裔繇王居股等猶尚封爲萬戶  
侯由此知越世世爲公侯矣蓋禹之餘烈也



易言內解

卷一四



朝鮮列傳

朝鮮王蒲者故燕人也自始全燕時嘗畧屬真番

索隱

日始全燕時謂六國燕方全朝鮮爲置吏築鄣塞秦

滅燕屬遼東外徼漢興爲其遠難守復修遼東故塞

至涿水爲界屬燕語如畫燕王盧綰反入匈奴蒲亡命聚黨

千餘人魑結蠻夷服而東走出塞渡涿水居秦故空

地上下鄣長句稍役屬真番朝鮮蠻夷及故燕齊亡命者

王之都王險貫會孝惠高后時天下初定遼東太守卽



保即今領保  
之意貫無使  
盜邊

反應前曲折

功者禍也

約蒲爲外臣保塞外蠻夷無使盜邊諸蠻夷君長欲  
入見天子勿得禁止以聞上許之以故蒲得兵威財  
物侵降其旁小邑真番臨屯皆來服屬方數千里傳  
子至孫右渠所誘漢人滋多又未嘗入見真番旁  
衆國欲上書見天子又擁闕不通元封二年漢使涉  
何誘諭右渠終不肯奉詔何去至界上臨沮水使御  
刺殺送何者朝鮮裨王長顏師古云長者裨王名也送何至沮水何因刺殺也  
即渡馳入塞遂歸報天子曰殺朝鮮將上爲其名美



叙樓船長

水西軍水即  
沮水右渠所

即不詰、拜何爲遼東東部都尉、朝鮮怨何、發兵襲攻、  
殺何、天子募罪人擊朝鮮、其秋遣樓船將軍楊僕從、  
齊浮渤海、兵五萬人、左將軍荀彘出遼東討右渠、右  
渠發兵距險、左將軍卒正多率遼東兵先縱、敗散多、  
還走、坐法斬樓船將軍、將齊兵七千人、先至王險、右  
渠城守、窺知樓船軍少、即出城擊樓船、樓船軍敗散、  
走、將軍楊僕失其衆、遁山中十餘日、稍求收散卒、復  
聚、左將軍擊朝鮮、沮水西軍未能破、自前天子爲兩

左將軍短

插



將軍也

朝鮮本欲降  
直撫御無法

耳

史記內紀 卷十四  
將未有利。乃使衛山因兵威往諭右渠。右渠見使者  
頓首謝願降。恐兩將詐殺臣。今見信節。請服降。遣太  
子入謝。獻馬五千匹。及饋軍糧。人衆萬餘。持兵方渡  
沮水。使者及左將軍疑其爲變。謂太子已服降。宜命  
人母持兵。太子亦疑使者左將軍詐殺之。遂不渡沮  
水。復引歸山。還報天子。天子誅山。左將軍破沮水上  
軍。乃前至城下。圍其西北。樓船亦往會。居城南。右渠  
遂堅守城數月。未能下。左將軍素侍中。幸將燕代卒。



叙曲折盡情  
事

惡恐應驕字

變化妙

樓船見伏波

降南越得候

故欲專降然

殊不自付左

渠何故降而

不從左將軍

急擊也故前

督以為急機

失感良信

悍乘勝軍多驕樓船將齊卒入海固已多敗亡其先  
與右渠戰困辱亡卒卒皆恐將心慙其圍右渠常持  
和節左將軍急擊之朝鮮大臣乃陰間使人私約降  
樓船往來言尚未肯決左將軍數與樓船期戰樓船  
欲急就其約不會左將軍亦使人求間郤降下朝鮮  
朝鮮不肯心附樓船以故兩將不相能左將軍心意  
樓船前有失軍罪今與朝鮮私善而又不降疑其有  
反計未敢發天子曰將率不能前故使衛山諭降右



渠右渠遣太子山使不能剗決與左將軍計相誤卒  
沮約今兩將圍城又乖異以故久不決使濟南太守

公孫遂往征之有便宜得以從事遂至左將軍曰朝

鮮當下久矣不下者有狀言樓船數期不會具以素  
所意告遂曰今如此不取恐爲大害非獨樓船又且

與朝鮮共滅吾軍遂亦以爲然而以節召樓船將軍

入左將軍營計事即命左將軍麾下執捕樓船將軍

并其軍以報天子天子誅遂左將軍已并兩軍即急

惡專執將故  
斬遂



啖音劫

擊朝鮮、朝鮮相路人相韓陰、尼谿相參將軍王啖相  
與謀曰：始欲降樓船、樓船今執、獨左將軍并將戰、益  
急、恐不能與戰、王又不肯降、陰啖路人皆亡降漢、路  
人遁死、元封三年夏、尼谿相參乃使人殺朝鮮王右  
渠來降、王險城未下、故右渠之大臣成巳又反、復攻  
吏、左將軍使右渠子長降相路人之子最、告諭其民、  
誅成巳、以故遂定朝鮮、爲四郡、封參爲濶清侯、陰爲  
菽苴侯、啖爲平州侯、長爲幾侯、最以父死、頗有功、爲





與南越傳贊  
同法

溫陽侯左將軍徵至坐爭功相嫉爭計棄市樓船將  
軍亦坐兵至列口當待左將軍擅先縱失亡多當誅  
贖爲庶人

太史公曰右渠負固國以絕祀涉何誣功爲兵發晉  
樓船將狹及難離咎悔失番禺乃反見疑荀彘爭勞  
與遂皆誅兩軍悞辱將率莫侯矣



西南夷列傳

西南夷君長以什數，夜郎最大，其西靡莫之屬以什數，滇最大，自滇以北君長以什數，邛都最大，此皆魏結耕田，有邑聚，其外西自同師以東，北至牂榆，爲

音隨

雋，昆明皆編髮，隨畜遷徙，毋常處，毋君長，地方可數千里，自雋以東北，君長以什數，徙笮都最大，自笮以東北，君長以什數，冉駹最大，其俗或土著，或移徙，在蜀之西，自冉駹以東北，君長以什數，白馬最大，皆氐



類也。此皆巴蜀西南外蠻夷也。始楚威王時，使將軍  
莊蹻將兵循江上，畧巴蜀黔中。以西，莊蹻者，故楚莊  
王苗裔也。蹻至滇池，地方三百里，旁平地肥饒數千  
里，以兵威定屬楚，欲歸報。會秦擊奪楚巴黔中，道  
塞不通，因還，以其衆王滇，變服從其俗，以長之。秦時  
音案常頽畧通五尺道，諸此國頗置吏焉。十餘歲，秦滅及  
漢興，皆棄此國，而開蜀故徼。巴蜀民或竊出商賈，取  
其笮馬、犛僮、髦牛，以此巴蜀殷富。建元六年，大行王



因枸醬萌心

恢擊東越、東越殺王郢以報。恢因兵威使番陽令唐蒙風指曉南越。南越食蒙蜀枸醬，蒙問所從來，曰：「道西北牂牁，牂牁江廣數里，出番禺城下。」蒙歸至長安，問蜀賈人，賈人曰：「獨蜀出枸醬，多持竊出市，夜郎、夜郎者，臨牂牁江，江廣百餘步，足以行船。南越以財物役屬夜郎，西至同師，然亦不能臣使也。」蒙乃上書說上曰：「南越王黃屋左纛，地東西萬餘里，名爲外臣，實一州主也。今以長沙、豫章往，水道多絕，難行。竊聞夜



郎所有精兵可得十餘萬，浮船牂牁江，出其不意，此制越一奇也。誠以漢之疆，巴蜀之饒，通夜郎道，爲置吏，易甚。上許之，乃拜蒙爲郎中將，將千人，食重萬餘人，從巴蜀筰關入，遂見夜郎侯多同。蒙厚賜，喻以威德，約爲置吏，使其子爲令。夜郎旁小邑皆貪漢繒帛，以爲漢道險，終不能有也。乃且聽蒙約，還報，乃以爲犍爲罷。發巴蜀卒治道，自犍道指牂牁江。蜀人司馬相如亦言：西夷邛筰可置罷，使相如以郎中將往喻。



隱然重內輕  
外之旨綜織  
密甚

顧公孫言中  
罷

布竹杖又萌  
心

皆如南夷爲置一都尉十餘縣屬蜀當是時巴蜀四  
罷通西南夷道成轉相餽數歲道不通士罷餓離濕  
死者甚衆西南夷又數反發兵興擊耗費無功上患  
之使公孫弘往視問焉還對言其不便及弘爲御史  
大夫是時方築朔方以據河逐胡弘因數言西南夷  
害可且罷專力事匈奴上罷西夷獨置南夷夜郎兩  
縣一都尉稍令犍爲自葆就及元狩元年博望侯張  
騫使大夏來言居大夏時見蜀布邛竹杖使問所從



大都九州爲一幅員不甚絕遠故道各有從通然商賈往來不憚險阻遠故常易朝廷發卒置吏鄭重勞頓故自難成耳

又萌一念

來曰從東南身毒國可數千里得蜀賈人市或聞邛西可二千里有身毒國騫因盛言大夏在漢西南慕中國患匈奴隔其道誠通蜀身毒國道便近有利無害於是天子乃令王然于栢始昌呂越人等使間出西夷西指求身毒國至滇滇王嘗羌乃留爲求道西十餘輩歲餘皆閉昆明莫能過身毒國滇王與漢使者言曰漢孰與我大及夜郎侯亦然以道不通故各自以爲一州主不知漢廣大使者還因盛言滇大國



大抵非人情  
不願

足事親附。天子注意焉。及至南越反，上使馳義侯因

亦人情

犍爲發南夷兵，且蘭君恐遠行，旁國虜其老弱，乃與其衆反，殺使者。及犍爲太守漢乃發巴蜀罪人，嘗擊南越者八校尉，擊破之。會越已破，漢八校尉不下，卽引兵還，行誅頭蘭。頭蘭常隔滇道者也。已平頭蘭，遂平南夷，爲牂牁郡。夜郎侯始倚南越，南越已滅，會還誅反者，夜郎遂入朝。上以爲夜郎王，南越破後，及漢誅且蘭、邛君，并殺笮侯，冉駹皆振恐，請臣置吏，乃以



邛都爲越雋罷，笱都爲沈犁罷，冉駹爲汶山罷，廣漢  
西白馬爲武都罷。上使王然于以越破及誅南夷兵  
威風喻滇王入朝。滇王者，其衆數萬人，其旁東北有  
勞漫靡莫，皆同姓相扶，未肯聽。勞漫靡莫數侵犯，使  
者吏卒，元封二年，天子發巴蜀兵，擊滅勞漫靡莫，以  
兵臨滇。滇王始會善，以故弗誅。滇王離難，西南夷舉  
國降，請置吏入朝。於是，以爲益州罷，賜滇王王印，復  
長其民。西南夷君長以百數，獨夜郎滇不受王印。滇小

照前密甚君  
長以百數照



君長以十  
數滇小邑照  
前滇大國

微辭深婉

邑最寵焉

太史公曰楚之先○豈有天祿哉○在周爲文王師○封楚  
及周之衰地○稱五千里○秦滅諸侯○唯楚苗裔尚有滇  
王○漢誅西南夷○國多滅矣○唯滇復爲寵王○然南夷之  
端見枸醬○番禺大夏杖叩竹○西夷後摘剽○分二方○卒  
爲七羣



易言內經

卷一



大宛列傳

綱

舊可構也

兵貴結交

頗惟傳望但

欲得侯更不

憚死以謾令

單于得即殺

留十數歲不

歸即得歸而

漢武先死豈

有侯哉

大宛之跡見自張騫。張騫漢中人。建元中爲郎。是時天子問匈奴降者。皆言匈奴破月氏王。以其頭爲飲器。月氏遁逃。而常怨仇匈奴。無與共擊之。漢方欲事滅胡。聞此言。因欲通使。道必更匈奴中。乃募能使者。騫以郎應募。使月氏。與堂邑氏故胡奴甘父俱出隴西。經匈奴。匈奴得之。傳詣單于。單于留之。曰。月氏在吾北。漢何以得往使。吾欲使越。漢肯聽我乎。留騫十



亦自精誠

餘歲與妻有子然。騫持漢節不失居匈奴中益寬。騫

果

因與其屬亡鄉月氏西走數十日至大宛。大宛聞漢

之饒財欲通不得見騫喜問曰若欲何之。騫曰爲漢

使月氏而爲匈奴所閉道。今亡唯王使人導送我誠

中其欲

得至反漢漢之賂遺王財物不可勝言。大宛以爲然

遣騫爲發導驛抵康居。康居傳致大月氏。大月氏王

已爲胡所殺立其太子爲王。旣臣大夏而居地肥饒

少寇志安樂。又自以遠漢殊無報胡之心。騫從月氏



又分胡妻來  
可謂大辛苦

絕類之材

引入大宛來  
照會迹自張

至大夏竟不能得月氏要領，留歲餘，還並南山，欲從  
羌中歸，復爲匈奴所得，留歲餘，單于死，左谷蠡王攻  
其太子自立，國內亂，騫與胡妻及堂邑父俱亡歸漢。  
漢拜騫爲大中大夫，堂邑父爲奉使君。騫爲人彊力，  
寬大信人，蠻夷愛之。堂邑父故胡人，善射，窮急射禽  
獸給食。初，騫行時，百餘人去，十三歲，唯二人得還。騫  
身所至者，大宛、大月氏、大夏，康居，而傳聞其旁大國  
五六，具爲天子言之。曰：大宛在匈奴西南，在漢正西。



去漢可萬里其俗土著耕田田稻麥有蒲陶酒多善  
馬馬汗血其先天馬子也有城郭屋室其屬邑大小  
七十餘城衆可數十萬其兵弓矛騎射其北則康居  
西則大月氏西南則大夏東北則烏孫東則扞罽于  
寘于寘之西則水皆西流注西海其東水東流注鹽  
澤鹽澤潛行地下其南則河源出焉多玉石河注中  
國而樓蘭姑師邑有城郭臨鹽澤鹽澤去長安可五  
千里匈奴右方居鹽澤以東至隴西長城南接羌胡



漢道焉

本招諸夷充  
諸焉匈奴

烏孫在大宛東北可二千里行國隨畜與匈奴同俗  
控弦者數萬敢戰故服匈奴及盛取其羈屬不肯往  
朝會焉

康居在大宛西北可二千里行國與月氏大同俗控  
弦者八九萬人與大宛鄰國國小南羈事月氏東羈  
事匈奴

奄蔡在康居西北可二千里行國與康居大同俗控



弦者十餘萬，臨大澤，無崖，蓋乃北海云。

大月氏在大宛西可二千里，居媯水北，其南則大夏，西則安息，北則康居，行國也，隨畜移徙，與匈奴同俗。控弦者可一二十萬，故時彊，輕匈奴，及冒頓立，攻破月氏，至匈奴老上單于殺月氏王，以其頭爲飲器。始月氏居敦煌祁連間，及爲匈奴所敗，乃遠去，過宛西，擊大夏而臣之，遂都媯水北，爲王庭，其餘小衆不能去者，保南山，號小月氏。



安息在大月氏西、可數千里、其俗土著耕田、田稻麥、  
蒲陶酒、城邑如大宛、其屬小大數百城、地方數千里、  
最爲大國、臨媯水、有市、民商賈、用車及船、行旁國或  
數千里、以銀爲錢、錢如其王面、王死輒更錢、效王面  
焉、畫革旁行、以爲書記、其西則條枝、北有奄蔡、黎軒、  
條枝在安息西數千里、臨西海、暑濕耕田、田稻、有大  
鳥卵如甕、人衆甚多、往往有小君長、而安息役屬之、  
以爲外國、國善眩、安息長老傳聞條枝有弱水、西王



母而未嘗見。大夏在大宛西南二千餘里，媯水南，其俗土著，有城屋，與大宛同俗。無大王，長往往城邑置小長。其兵弱，畏戰，善賈市。及大月氏西徙，攻敗之，皆臣畜。大夏犬夏民多可百餘萬，其都曰藍市，城有市販賈諸物。其東南有身毒國，騫曰：臣在大夏時，見邛竹枝。蜀布問曰：安得此？犬夏國人曰：吾國人往市之。身毒，身毒在大夏東南可數千里，其俗土著，大與大夏同。而卑濕暑熱，云其人民乘象以戰，其國臨大水。



脈絡連入有  
風味

摹草漢武雄  
心特妙明言  
貴漢財物可  
設賂遺朝也

焉以騫度之、大夏去漢萬二千里、居漢西南、今身毒  
國、又居大夏東南數千里、有蜀物、此其去蜀不遠矣、  
今使大夏從羌中、險、羌人惡之、少北、則爲匈奴所得、  
從蜀宜徑、又無寇、天子旣聞大宛及大夏安息之屬  
皆大國、多奇物、土著、頗與中國同業、而兵弱、貴漢財  
物、其北有大月氏、康居之屬、兵彊、可以賂遺、設利、朝  
也、且誠得而以義屬之、則廣地萬里、重九譯、致殊俗、  
威德徧於四海、天子欣然、以騫言爲然、乃令騫因蜀

欲之矣

轉又折



又言以義屬  
可謂信史

不得通大夏  
而通滇

犍爲發間使四道竝出出驄出冉出徙出邛犍皆各行一二千里其北方閉氐笮南方閉雋昆明昆明之屬無君長善寇盜輒殺畧漢使終莫得通然聞其西可千餘里有乘象國名滇越而蜀賈姦出物者或至焉於是漢以求大夏道始通滇國初漢欲通西南夷費多道不通罷之及張騫言可以通大夏乃復事西南夷騫以校尉從大將軍擊匈奴知水草地軍得以不乏乃封騫爲博望侯是歲元朔六年也其年騫



爲衛尉與李將軍俱出右北平擊匈奴匈奴圍李將軍軍軍失亡多而騫後期當斬贖爲庶人是歲漢道驃騎破匈奴西城數萬人至祁連山其明年渾邪王率其民降漢而金城河西西並南山至鹽澤空無匈奴匈奴時有候者到而希矣其後二年漢擊走單于於幕北是後天子數問騫大夏之屬騫旣失侯因言曰臣居匈奴中聞烏孫王號昆莫昆莫之父匈奴西邊小國也匈奴攻殺其父而昆莫生棄於野烏噉肉蜚



其上狼往乳之。單于恠以爲神而收長之。及壯使將兵數有功。單于復以其父之民予昆莫。令長守於西城。昆莫收養其民。攻旁小邑。控弦數萬。習攻戰。單于死。昆莫乃率其衆遠徙。中立不肯朝會匈奴。匈奴遣奇兵擊不勝。以爲神而遠之。因羈屬之。不大攻。今單于新困於漢。而故渾邪地空無人。蠻夷俗貪漢財物。今誠以此時而厚幣賂烏孫。招以益東。居故渾邪之地。與漢結昆弟。其勢宜聽聽。則是斷匈奴右臂也。旣



綱

連烏孫自其西大夏之屬皆可招來而爲外臣天子  
以爲然拜騫爲中郎將將三百人馬各二匹牛羊以  
萬數齎金幣帛直數千巨萬多持節副使道可使使  
遺之他旁國騫旣至烏孫烏孫王昆莫見漢使如單  
于禮騫大慙知蠻夷貪乃曰天子致賜王不拜則還  
賜昆莫起拜賜其他如故騫諭使指曰烏孫能東居  
渾邪地則漢遣翁主爲昆莫夫人烏孫國分王老而  
遠漢未知其大小素服屬匈奴日久矣且又近之其



疏國分

大臣皆畏胡、不欲移徙、王不能專制、騫不得其要領、  
昆莫有十餘子、其中子曰大祿、彊、善將衆、將衆別居  
萬餘騎、大祿兄爲太子、太子有子曰岑娶、而太子蚤  
死、臨死謂其父昆莫曰、必以岑娶爲太子、無令他人  
代之、昆莫哀而許之、卒以岑娶爲太子、大祿怒其不  
得代太子也、乃收其諸昆弟、將其衆畔、謀攻岑娶、及  
昆莫、昆莫老、常恐大祿殺岑娶、予岑娶萬餘騎別居、  
而昆莫有萬餘騎、自備、國衆分爲三、而其大摠取羈



應永知漢大

騫關鍵

鑿空二字俗

屬昆莫、昆莫亦以此不敢專約於騫。騫因分遣副使，使大宛、康居、大月氏、大夏、安息、身毒、于寘、扞罽、及諸旁國。烏孫發導譯送騫還。騫與烏孫遣使數十人，馬數十匹，報謝。因令窺漢，知其廣大。騫還到，拜爲大行，列於九卿。歲餘卒。烏孫使既見漢人衆富厚，歸報其國。其國乃益重漢。其後歲餘，騫所遣使通大夏之屬者，皆頗與其人俱來。於是西北國始通於漢矣。然張騫鑿空，其後使往者，皆稱博望侯，以爲質於外國。外



語用奇甚如  
揚雲覆室無  
味矣

敘事連翩若  
斷若不斷妙  
甚

國由此信之。自博望侯騫死後，匈奴聞漢通烏孫，怒欲擊之。及漢使烏孫，若出其南，抵大宛、大月氏相屬。烏孫乃恐，使使獻馬，願得尚漢女。翁主爲昆弟。天子問羣臣議計，皆曰：「必先納聘，然後乃遣女。」初，天子發書，易云：「神馬當從西北來。」得烏孫馬，好名曰「天馬」。及得大宛汗血馬，益壯，更名烏孫馬，曰「西極」。名大宛馬曰「天馬」。云：「而漢始築令居以西，初置酒泉郡以通西北國。」因益發使，抵安息、奄蔡、黎軒、條枝、身毒國，而天



雄心一萌諸  
爲國費至於  
此可懼可懼

子好宛馬、使者相望於道、諸使外國一輩、大者數百、  
小者百餘人、人所齎操、大放博望侯時、其後益習而  
衰少焉、漢率一歲中、使多者十餘、少者五六輩、遠者  
八九歲、近者數歲而反、是時漢旣滅越、而蜀西南夷  
皆震、請吏入朝、於是置益州、越嶲、牂牁、沈黎、汶山、犍  
欲地、接以前通大夏、乃遣使柏始昌、呂越人等、歲十  
餘、復出此初、抵大夏、皆復閉昆明、爲所殺奪幣財、  
終莫能通至大夏焉、於是漢發三輔罪人、因巴蜀士



天子指如此  
然獨為奸人  
利

數萬人遣兩將軍郭昌衛廣等往擊颯之遮漢使者  
斬首虜數萬人而去其後遣使昆明復為寇竟莫能  
得通而北道滙泉抵大夏使者既多而外國益厭漢  
幣不貴其物自博望侯開外國道以尊貴其後從吏  
卒皆爭上書言外國奇恠利害求使天子為其絕遠  
非人所樂往聽其言予節募吏民毋問所從來為具  
備人衆遣之以廣其道來還不能毋侵盜幣物及使  
失指天子為其習之輒覆案致重罪以激怒令贖復



使者患不得  
意於外國而

求使使端無窮而輕犯法其吏卒亦輒復盛推外國  
所有言大者予節言小者爲副故妄言無行之徒皆  
爭效之其使皆貧人子私縣官齎物欲賤市以私其  
利外國外國亦厭漢使人人有言輕重度漢兵遠不  
能至而禁其食物以苦漢使漢使乏絕積怨至相攻  
擊而樓蘭姑師小國耳當空道攻劫漢使王恢等尤  
甚而匈奴奇兵時時遮擊使西國者使者爭徧言外  
國灾害皆有城邑兵弱易擊於是天子以故遣從驃



兵端起矣

侯破奴將屬國騎及羗兵數萬至匈河水欲以擊胡  
胡皆去其明年擊姑師破奴與輕騎七百餘先至虜  
樓蘭王遂破姑師因舉兵威以困烏孫大宛之屬還  
封破奴爲浞野侯王恢數使爲樓蘭所苦言天子天  
子發兵令恢佐破奴擊破之封恢爲浩侯於是酒泉  
別亭鄯至玉門矣烏孫以千匹馬聘漢女漢遣宗室  
女江都翁主往妻烏孫烏孫王昆莫以爲右夫人匈  
奴亦遣女妻昆莫昆莫以爲左夫人昆莫曰我老乃



觀示漢

令其孫岑娶妻翁主烏孫多馬其富人至有四五千

爲輕出漢

匹馬初漢使至安息安息王令將二萬騎迎於東界

東界去王都數千里行比至過數十城人民相屬甚

多漢使還而後發使隨漢使來觀漢廣大以大鳥卵

歆動漢

及黎軒善眩人獻于漢及宛西小國驩潛大益宛東

姑師扞采蘇薹之屬皆隨漢使獻見天子天子大悅

而漢使窮河源河源出于寘其山多玉石采來天子

案古圖書名河所出山曰崑崙云是時上方數巡狩



觀示胡

又欲動胡

海上乃悉從外國客大都多人則過之散財帛以賞  
賜厚具以饒給之以覽示漢富厚焉於是大殷抵出  
奇戲諸恠物多聚觀者行賞賜酒池肉林令外國客  
徧觀各倉庫府藏之積見漢之廣大傾駭之及加其  
眩者之工而殷抵奇戲歲增變甚盛益興自此始西  
北外國使更來更去宛以西皆自以遠尚驕恣晏然  
未可誦以禮羈縻而使也自烏孫以西至安息以近  
匈奴匈奴困月氏也匈奴使持單于一信則國國傳



諸覽示胡自  
空虛何益真  
千古永鑒

送食不敢留苦。及至漢使。非出幣帛不得食。不市畜  
不得騎用。所以然者。遠漢而漢多財物。故必市乃得  
所欲。然以畏匈奴於漢使焉。宛左右以蒲陶爲酒。富  
人藏酒至萬餘石。久者數十歲不敗。俗嗜酒。馬嗜苜  
蓿。漢使取其實來。於是天子始種苜蓿。蒲陶。肥饒地。  
及天馬多。外國使來衆。則離宮別觀旁。盡種蒲陶。苜  
蓿。極望。自大宛以西。至安息國。雖頗異言。然大同條。  
相知言。其人皆深眼。多鬚髯。善市賈。爭分銖。俗貴女。



子女子所言而丈夫乃決正其地皆無絲漆不知鑄錢器及漢使亡卒降教鑄作他兵器得漢黃白金輒以爲器不用爲幣而漢使者往既多其少從率多進熟於天子言曰宛有善馬在貳師城匿不肯與漢使天子既好宛馬聞之甘心使壯士車令等持千金及金馬以請宛王貳師城善馬宛國饒漢物相與謀曰漢去我遠而鹽水中數敗出其北有胡寇出其南乏水草又且往往而絕邑乏食者多漢使數百人爲輩



自古未有賣  
貨馬而不害  
者也況相忿  
殺乎故通人  
情盡道矣

始爲宛馬遣  
使已爲殺漢  
使動兵事幾  
微如此

來而常乏食死者過半是安能致大軍乎無奈我何  
且貳師馬宛寶馬也遂不肯予漢使漢使怒妄言椎  
金馬而去宛貴人怒曰漢使至輕我遣漢使去令其  
東邊郁成遮攻殺漢使取其財物於是天子大怒諸  
嘗使宛姚定漢等言宛兵弱誠以漢兵不過三千人  
彊弩射之即盡虜破宛矣天子已嘗使浞野侯攻樓  
蘭以七百騎先至虜其王以定漢等言爲然而欲侯  
寵姬李氏拜李廣利爲貳師將軍發屬國六千騎及

馬言



真沒來繇

虢國惡少年數萬人以往伐宛期至貳師城取善馬  
故號貳師將軍趙始成爲軍正故浩侯王恢使導軍  
而李哆爲校尉制軍事是歲太初元年也而關東蝗  
大起蜚西至敦煌貳師將軍軍旣西過鹽水當道小  
國恐各堅城守不肯給食攻之不能下下者得食不  
下者數日則去比至郁成士至者不過數千皆饑罷  
攻郁成郁成大破之所殺傷甚衆貳師將軍與哆始  
成等計至郁成尚不能舉況至其王都乎引兵而還



傷哉萬人之命

挿妙

人心危欲遂  
事更不顧其  
患如此故學  
在無固必也

往來二歲還至敦煌士不過什一二使使上書言道  
遠多乏食且士卒不患戰患饑人少不足以拔宛願  
且罷兵益發而復往天子聞之大怒而使使遮玉門  
曰軍有敢入者輒斬之貳師恐因留敦煌其夏漢  
浞野之兵二萬餘於匈奴公卿及議者皆願罷擊宛  
軍專力攻胡天子已業誅宛宛小國而不能下則大  
夏之屬輕漢而宛善馬絕不來烏孫倫頭易苦漢使  
矣爲外國笑乃案言伐宛尤不便者鄧光等赦囚徒



材官益發惡少年及邊騎歲餘而出燉煌者六萬人  
負私從者不與牛十萬馬三萬餘匹驢騾橐駝以萬  
數多齎糧兵弩甚設天下騷動傳相奉伐宛凡五十  
餘校尉宛王城中無井及汲城外流水於是乃遣水  
工徙其城下水空以空其城益發戍甲卒十八萬酒  
泉張掖北並居延休屠以衛酒泉而發天下七科適  
及載糒給貳師轉車人徒相連屬至燉煌而拜習馬  
者二人爲執驅校尉備破宛擄取其善馬云於是貳

見終始爲善  
馬放



貴人勇將疊  
用見意

母寡王名急  
而賣之耳故

師後復行、兵多而所至小國莫不迎出食給軍、至俞  
頭、俞頭不下、攻數日、屠之、自此而西、平行至宛城、漢  
兵到者三萬人、宛兵迎擊漢兵、漢兵射敗之、宛走入  
葆、乘其城、貳師兵欲行攻郁城、恐畱行、而令宛益生  
詐、乃先至宛、決其水源移之、則宛固已憂困、圍其城、  
攻之四十餘日、其外城壞、虜宛貴人勇將、莫靡、宛大  
恐、走入中城、宛貴人相與謀曰、漢所爲攻宛、以王母  
寡、匿善馬而殺漢使、今殺王母寡而出善馬、漢兵宜



前殺漢使不  
專因母寡

兵專覘水穀

解即不解乃力戰而死未晚也宛貴人皆以爲然共  
殺其王母寡持其頭遣貴人使貳師約曰漢毋攻我  
我盡出善馬恣所取而給漢軍食即不聽我盡殺善  
馬而康居之救且至至我居內康居居外與漢軍戰  
漢軍熟計之何從是時康居候視漢兵漢兵尚盛不  
敢進貳師與趙始成李哆等計聞宛城中新得秦人  
知穿井而其內食尚多所爲來誅會惡者母寡母寡  
頭已至如此而不許解兵則堅守而康居候漢罷而



道上國謂路  
旁諸國  
兵貴知聚散  
分之是也  
覘知去大軍  
近故輕郁成

來救宛。破漢軍必矣。軍吏皆以爲然。許宛之約。宛乃  
出其善馬。令漢自擇之。而多出食。食給漢軍。漢軍取  
其善馬數十匹。中馬以下牝牝三千餘匹。而立宛貴  
人之故待遇漢使善者名昧蔡。以爲宛王與盟而罷  
兵。終不得入中城。乃罷而引歸。初貳師起燉煌西。以  
爲人多。道上國不能食。乃分爲數軍。從南北道。校尉  
王申生故鴻臚壺充國等千餘人。別到郁成。郁成城  
守不肯給食其軍。王申生去大軍二百里偵而輕之。



而敗故軍急  
難也

不斬恐變生  
不及軍故趙  
余封

挿

責郁成、郁成食不肯出、窺知申生軍日少、晨用三千  
人攻、戮殺申生等、軍破、數人脫、走貳師、貳師令搜  
栗都尉上官桀往、攻破郁成、郁成王亡、走康居、桀追  
至康居、康居聞漢已破宛、乃出郁、成王予桀、桀令四  
騎士縛守諸大將軍、四人相謂曰、郁成王、漢國所毒、  
今生將去、卒失大事、欲殺莫敢先擊、上邽騎士趙弟  
最少、拔劍擊之、斬郁成王、齊頭弟桀等逐及大將軍、  
初貳師後行、天子使使告烏孫、大發兵、并力擊之、烏



著之見丘威  
未振一烏孫  
不能使既威  
振諸所過國  
畢遣質也

如法吏好惡  
纖悉畢見

孫發二千騎往持兩端不肯前貳師將軍之東諸所  
過小國聞宛破皆使其子弟從軍入獻見天子因以  
爲質焉貳師之伐宛也而軍正趙始成力戰功最多  
及上官桀敢深入李哆爲謀計軍入玉門者萬餘人  
軍馬千餘匹貳師後行軍非乏食戰死不能多而將  
吏貪多不愛士卒侵牟之以此物故衆天子爲萬里  
而伐宛不錄過封廣利爲海西侯又封身斬郁成王  
者騎士趙弟爲新時侯軍正趙始成爲光祿大夫上



亦備甚備甚  
矣

欲心無厭乃  
如此

官桀爲少府李哆爲上黨太守軍官吏爲九卿者三  
人諸侯相勳守二千石者百餘人千石以下千餘人  
奮行者官過其望以適過行者皆絀其勞士卒賜直  
四萬金伐宛再反凡四歲而得罷焉漢已伐宛立昧  
蔡爲宛王而去歲餘宛貴人以爲昧蔡善諛使我國  
遇屠乃相與殺昧蔡立母寡昆弟曰蟬封爲宛王而  
遣其子入質於漢漢因使使賂賜以鎮撫之而漢發  
使十餘輩至宛西諸外國求奇物因風覽以伐宛之



威德而燉煌置酒泉都尉西至鹽水往往有亭而命  
頭有田卒數百人因置使者護田積粟以給使外國  
者

太史公曰禹本紀言河出崑崙崑崙其高二千五百  
餘里日月所相避隱爲光明也其上有醴泉瑤池今  
自張騫使大憂之後也窮河源惡睹本紀所謂崑崙  
者乎故言九州山川尚書近之矣至禹本紀山海經  
所有惟物余不敢言之也



史記內編卷之十四終















